

# Pärniperruuh

UÁNIHÁVT JÁ ČIELGÂSÁVT



# Siskáldâs

Kela torjuuh pärniperrui	3
Ovdil ko pärni šadda	6
Kii puáhtá uážžud pärniperruu torjuid?	7
Ko pärni šadda	10
Pärnitipšo torjuuh	16
Jis pärni puáccáá	21
Elettemtoorjâ	22
Uuccâm já máksim	24
Návt Kela palvâl	27

# Kela torjuuh pärniperrui

Taan tiedettemčáállusist muštâluvoo, maht Kela tuárju pärniperruid. Kela torjuu vievâst vaanhimeh sáttih lede parnijn tehálij vuossâmui mánuppoijij ääigi.

Čuávuváin siiđoin muštâluvoo tárhibeht, mon ruđálie torjuu Kela máksá pärniperrui eeni äpittesvuodâ ääigi já párnáá šoddâm maŋa. Tiedettemčáállusist muštâluvoo meiddei, maht Kela tuárju páarni tipšo já páarnist šaddee koloid.

Tiedettemčáállus loopâst láá tiäduh tast, maht pärniperruu torjuuhoccojeh.

Tiedettemčáállus muštâl ive 2021 tiileest. Uážuh neetist lasetiäduid tast, maht koronaepidemia vaaigut Kela torjuid.



## Lasetiäduh viermist já puhelimáin

Kela torjui pirrâ muštâluvoo anarâškielân čujottâsâst  
[www.kela.fi/anaraskielan](http://www.kela.fi/anaraskielan)

Pärniperrui torjui pirrâ muštâluvoo tárhibeht Kela almosuomâkielâlijn siiđoi  
[www.kela.fi/lapsiperheet](http://www.kela.fi/lapsiperheet)



Jis tust láá koččâmušah, puávtáh suáittid palvâlemnumerân  
**020 692 206**

## Maid torjuid pärnipeerâ puáhtá uážžud?


Kela torjuuh pärniperruid láá

- enijtoorjâ
  - vaanhimijpeiviruudah
  - enijruttâ
  - sierânâsenijruttâ
  - ejijruttâ
  - vaanhimijruttâ
- pärnilase
- pärnitipšo torjuuh
  - päikkitipšom toorjâ
  - njebžilis tipšomruttâ
  - uásitipšomruttâ
  - priivaat tipšom toorjâ
- pyeccee já vâdulii pärni torjuuh
- elettemtoorjâ.

Täärhist meid, ete puávtáh-uv uážžud maidnii eres Kela máksim torjuid. Eres perrui lohtâseijee Kela torjuuh láá ovdâmerkkân aassâm torjuuh, uáppee torjuuh, viärjukenigâs torjuuh, pargottesvuotâtorvo já puáccáámân lahtojeijee sajanmáávsuh. Toh láá oovdânpuohtum jieijâs tiedettemčáállusijn.

## Kuás pärniperruu torjuid puáhtá uážžud?

Vyellin leijee kovosist čáittoo, maid torjuid Kela máksá pärniperrui vuossâmmu pärnáá šoddâm ääigi já ko páárnáš stuárnu. Kovvoos pajuásist lii pärnáá ahe. Stuálpuh čáittih, mon pärnáá ahemuddoost Kela máksá mon-uv torjuu.



\*Puáhtá toollâđ oosijn ton räi, ko pärni tiävdá 2 ive. 1–18 peivid puáhtá toollâđ siämmáá ääigi ennijn.

## Ovdil ko pärni šadda

Jis lah vyerdimin,  
te väaldi ohtâvuodâ tuu päikkikielâ enijravviittâhân.  
Enijravviittuv palvâlusah láá nuuvtâ.

Ravviittuvâst tun uážuh šiev ravvuid  
äpittesvuotäääigi já šoddâdem várás.  
Toos lasseen ravviittuvâst čuávuh  
eeni já párnáá tiervâsvuotâtile.

Enni kalga eelliđ tuáhtártäärhistmist äpittesvuodâ aalgâst  
majemustáá 18. äpittesvuotâohhoost.  
Täärhistmist tun uážuh äpittesvuotâtuodâštus.  
Tun tarbâšah tuodâštus, ko uusah Kelast torjuu.

## Kii puáhtá uážžud pärniperruu torjuid?

Tun puávtáh uážžud Kela pärniperruu torjuid,  
ko kuulah Suomâ sosiaaltoorvon já aasah fastâ Suomâst.  
Motomin torjuid pyehtih uážžud meid eres ulmuuh,  
jis sij pargeh Suomâst.

Jis tun lah aassâm olgoenâmiijn teikâ  
lah varrimin olgoenâmáid, te täärhist Kelast,  
ete puávtáh-uv uážžud Kela torjuid.  
Varrim Suomân tâi Suomâst meddâl  
puáhtá vaiguttid Kela máksim torjuid.





## Enijtoorjâ

Tun puávtáh uuccâđ enijtorjuu,  
ko äpittesvuotâ lii pištám 5 mánuppaje.  
Tun puávtáh valjid enijpakkeet tâi 170 eurod.  
Enijpakettist láá tipšomtarbâšeh já pihťaseh párnáá várás.

## Enijruttâ

Enni puáhtá pääccid enniriijân tolemustáá  
suulân 8 okkod ovdil rekinistum šoddâdemääigi.  
Táválávt enni páácá enniriijân kuittâg  
suullân mánuppaje ovdil rekinistum šoddâdemääigi.

Enniriijâst enni uážžu enijruudâ.  
Tot máksoo 105 argâpeivid adai suulân 4 mánuppaje.

Uusâ enijruudâ májemustáá 2 mánuppaje  
ovdil rekinistum ääigi.

Täärhist pargoadeleijestâd ovdil uuccâm,  
ete uážuh-uv enniriijâ ääigi päälhi.

Mušte almottiđ pargoadeleijei enniriijâst  
2 mánuppaje ovdil riijâ algâtem.

## Sierânâsenijruttâ

Jis tun painâšuu pargostâd suonjârdmân,  
kemikaaláid tâi njuámmoo taavdân,  
te tun puávtáh pääccid pargoost meddâl tállân,  
ko äpittesvuotâ lii kavnáttum.  
Tágárijn tilálâšvuodâin tun uážuh sierânâsenijruudâ.



# Ko pärni šadda

Päärni šoddâm maņa  
vaanhimeh uázžuv leđe parnijn päähist.  
Kela máksá taan äägist ruđálii torjuu,  
mii tuurvâst perruu puáđuid.

## Enijruttâ

Päärni šoddâm maņa eeni enniluámu juátkoo  
suulân 3 mánuppaje.  
länán máksoo enijruttâ taan ääigi.

## Ejijruttâ

Eeči puáhtá toollâđ riijá ohtsis enâmustáá  
54 argâpeivid adai suulân 9 okkod.  
Kela máksá ejijriijâ äägist ejijruudâ.

Eeči puáhtáleđe ejijriijâst 1–18 argâpeivid adai  
enâmustáá 3 oho päähist ennijn siämmáá ääigi.  
Puávtáh toollâđ taam uássus ejijriijâst  
oovtâ paajeest tâi jyehid tom enâmustáá neelji pajan.

Jis tun lah jo toollâm 18 argâpeivid riijá,  
te puávtáh vala toollâđ 36 argâpeivid.  
Tun puávtáh toollâđ taid ton maņa,  
ko vaanhimijruudâ uázžum lii nuuhâm.  
Puávtáh toollâđ riijá oovtâ tâi kyehti paajeest.

Jis tun jieh lah vala toollâm ollágin riijá,  
te tun puávtáh toollâđ ohtân puoh 54 argâpeivid riijá.

Jis peerâ uázžu jyemeháid,  
te Kela máksá ejijruudâ 18 argâpeivid lase.  
Puávtáh toollâđ täid peeivjd ennijn siämmáá ääigi  
teikâ ton maņa ko vaanhimijruttâ lii nuuhâm.

Ejijriijâ tuálloo, ovdil ko pärni lii 2 ive.  
Tun puávtáh uuccâđ ejijruudâ maajeeldkietân.  
Uusâ ejijruudâ kuittâg majemustáá 2 mánuppaje keččin tast,  
ko pärni lii tiävdám 2 ive já 2 mánuppaje.

Täärhist pargoadeleijestâd ovdil uuccâm,  
ete uázuh-uv tun ejijriijâ ääigi päälhi.  
Almoot pargoadeleije ei ejijriijâst  
2 mánuppaje ovdil ko riijá algá.  
Jis tuu riijá lii enâmustáá 12 argâpeivid,  
te almoot tast mánuppaje muuneeld.

Puávtáh uuccâđ ejijruudâ meid,  
jis lah ovdâmerkkân irätteijee, pargottes olmooš tâi uáppee.



## Vaanhimijruttâ

Vaanhimijriijân puáhtá pääccid nubbe tâi nubbe vanhim.  
Suái pyehtiv lede riijâst meid vuáruluvâi.

Vaanhimijrijâ pištá 158 argâpeivid adai suullân ihepele.  
Kela máksá vaanhimijriijâ ääigist vaanhimijruudâ.  
Ko vaanhimijruttâ nohá,  
te pärni lii suulân 9 mánuppaje puáris.

Jis peerâ uážžu jyemeháid,  
te Kela máksá vaanhimijruudâ 60 argâpeivid  
adai suullân 10 okkod eenâb.

Jis enni huolât päärnist ohtuu,  
sun puáhtá lede kuhheeb ääigi vanhimijriijâst.  
Sun puáhtá uážžud vaanhimijruudâ  
54 argâpeivid adai suullân 9 okkod kuhheeb.  
Taat váátá, ete päärnist ij lah visâsmittum eeči  
tâi nubbe olmooš, kii puávtáččij uážžud ejijruudâ.

Enni kalga eellid šoddâdem maŋa tuáhtártäärhistmist  
já toimâttid Kelan monnjâtarkkumtuodâštus.  
Kela taarbâš tuodâštus,  
vâi tot puáhtá máksid vaanhimijruudâ.

Uusâ vaanhimijruudâ mánuppaje ovdil ko algâttah riijâ.

Vaanhimeh sâttih meid porgâd uásiäigipargo  
já tipšod pärni vuáruluvâi.  
Taan ääigist Kela máksá uásivaanhimijruudâ  
kuohtuid vanhimáid.

## Mon ennuv torjuu uážžu?

Enijruudâ, sierânâsenijruudâ, ejijruudâ já vaanhimijruudâ  
meeri rekinistoo ihepuáđui miel.  
Ihepuáđuin uáivild tuu puáđuid 12 mánuppaje ääigist.

Jis tun puávtáh uážžud torjuu  
ovdâmerkkân vyesimáánu 2021 rääjist,  
Kela rekinist torjuu meeri tai puáđui miel,  
maid tun lah uážžum 1.4.2020–31.3.2021.

Toorjâ lii ain ucceeb ko pälkki.  
Táválávt tot lii suulân 70 % puáđuin.

Toorjâ máksoo táválávt 6 peeivist ohhoost.

Jis tun uážuh vaanhimijriijâ ääigist päälhi,  
te Kela máksá torjuu tuu pargoadeleijei.

Torjui vaaigut meid tot,  
jis tun lah jottáám uápuid tâi lamaš pyeccen  
tâi pargotteemmin.  
Ucemus toorjâ lii suulân 29,05 eurod peeivist.  
Ovdâmerkkân uáppee uážžu taan verd torjuu.

Vaanhimijpeiviruudâst piärruo viäru.

Pargei čoggâšuvá iäláttâh já iheluámu,  
ko sun lii enijriijâst, ejijriijâst tâi vaanhimijriijâst.

## Toorjâ adoptiovaanhimáid

Kela tuárju adoptiopääрни vaanhimijd  
masa siämmáánáál ko biologilijđ vaanhimijd.

Adoptiovaanhimeh iä pyevti uázžud enijruudâ,  
mutâ sij uázžuh vaanhimijruudâ kuhheeb ääigi ko táválávt.  
Vaanhimijruttâ máksoo ton peeivi räajist,  
ko tun uázuh adoptiopääрни tuu tiipšon.  
Adoptiopääрни eeči puáhtá toollâđ ejijriijâ tego eres-uv eejih.

Jis adoptistáh pääрни olgoenâmijn,  
te tun puávtáh uuccâđ Kelast torjuu adoptio koloid.

## Kela-korttâ

Ko päрни šadda Suomâst, te tiätu tast mana  
pyecceiviäsust aalmugregisterân já tast Kelan.  
Päрни uázžu persovntubdâlduv.

Ko päрни lii uázžum noomâ,  
te Kela vuolgât pááikán Kela-koortâ  
ađai pyecceetáhádâskoortâ.



## Pärnilase

Kela máksá jyehi päärnist pärnilase ton mänuppaje loopân,  
kuás päрни tiävdá 17 ihheed.

Pärnilase máksoo paarnij mere mielđ:

- vuossâmuu päärnist suulân 95 eurod mänuppajeest
- nube päärnist suulân 105 eurod mänuppajeest
- kuálmád päärnist suulân 134 eurod mänuppajeest
- niäljád päärnist suulân 163 eurod mänuppajeest
- viidâđ já jyehi čuávwoo päärnist  
suulân 183 eurod mänuppajeest.

Ohtuuhuolâtteijee uázžu aledem,  
mii lii jyehi päärnist suulân 63 eurod mänuppajeest.

Pärnilasseest ij perruu viäru.

Pärnilase máksoo táválávt iänán, iäčán tâi eres huolâtteijei.

Tun puávtáh uuccâđ pärnilase siämmást,  
ko tun uusah vaanhimijpeiviruudâid ađai enijruudâ,  
sierânâsenijruudâ, ejijruudâ já vaanhimijruudâ.  
Puávtáh uuccâđ pärnilase meid sierâ.



# Pärnitipšo torjuuh

Vaanhimijrijâ maņa tun puávtáh

- tipšođ pärni pääihist já uážžud päikkitipšo torjuu
- ornid páárnán priivaat peivitiipšo já uážžud päikkitipšo tâi priivaat tipšo torjuu
- porgâđ enâmustáá 30 tijmed ohhoost já uážžud njebžilis tipšoruudâ
- pieijâđ pärni kieldâlii peivitiipšon.

## Tipšomrijjâ

Vaanhimijrijjâ maņa nubbe vaanhimijn puáhtá pääccid tipšođ pärni pälhittes tipšomrijjân ton räi, ko pärni tiävdá 3 ive.

Almoot pargoadeleije tipšomrijjâst majemustáá 2 mánuppaje ovdil ko tot álgá.

## Päikkitipšom toorjâ

Päikkitipšom torjuu puáhtá uuccâđ, jis vuálá 3-ihásii pärni tipšoh eres ko kieldâpeivitiipšoost, ovdâmerkkân pääihist.

Tipšoo puáhtá leđe pärni vanhim tâi kiinii eres, ovdâmerkkân ákku tâi äijih tâi pálkkááttum tipšoo.

Päikkitipšom torjuu ij pyevti uážžud, jis pärni lii kieldâ peivitiipšoost.

Päikkitipšom torjui kuleh tipšomruttâ já tipšomlase.

Tipšomruttâ lii

- suulân 343 eurod mánuppaajeest oovtâ vuálá 3-ihásiist
- suulân 103 eurod mánuppaajeest jyehi eres vuálá 3-ihásii pärnist
- suulân 66 eurod mánuppaajeest paijeel 3-ihásiist mutâ vuálá škovlâahasii pärnist.

Tipšomlase uážžu tuše oovtâ pärnist, já tot lii enâmustáá suulân 184 eurod mánuppaajeest. Tipšomlase meeri meriduvvoo vaanhimij puáđui miel.

Päikkitipšom torjust piärroo viäru.

Motomeh kieldah mäksih päikkitipšom torjuu lasseen kieldâlase. Kojjâđ päikkikielâst tâi Kelast, uážuh-uv tun kieldâlase.

## Priivaat tipšo toorjâ

Tun puávtáh uážžud priivaat tipšo torjuu, jis tuu pärni tipšo pálkkááttum tipšoo tâi priivaat peivitiipšosaje.

Pärni kalga leđe vuálá škovlâahasâš.

Torjuu ij pyevti uážžud, jis pärni lii kieldâ peivitiipšoost.

Priivaat tipšom torjui kuleh tipšomruttâ já tipšomlase. Ton lasseen tuu päikkikielâ puáhtá mäksid kieldâlase.

Tipšomruttâ lii suulân 175 eurod mánuppaajeest. Jis páárnâš lii ovdâmáttááttasavveest já uásiáigásávt peivitiipšoost, tipšomruttâ lii suullân 64 eurod mánuppaajeest.

Tipšomruudâ lasseen tun puávtáh uážžud tipšomlase enâmustáá suullân 147 eurod mánuppaajeest. Tipšomlase meeri meriduvvoo puáđui miel. Jis tun uážuh ucceeb tipšomruudâ, te meid tipšomlase lii ucceeb.

Kela máksá priivaat tipšom torjuu pálkkáattum tipšoi tâi peivitipšosajan. Priivaat tipšo torjust piärruo viäru.

### Njyebžilis tipšomruttâ

Tun puávtáh uážžud njyebžilis tipšomruudâ, jis poorgahenâmustáá 30 tijmed ohhoost já tipšoh eres ääigi tuu päärni. Kela máksá njyebžilis tipšomruudâ vuálá 3-ihásii päärnist.

Njyebžilis tipšomruudâ puáhtá mäksid kuohtuid vanhimáid. Talle kuábáš-uv vaanhim kalga porgâđ uánihub pargoääigi ko táválávt. Suoi kolgâv tipšod päärni sierâ ääigi tâi sierâ peeivi.

Njyebžilis tipšomruttâ máksuo pargoääigi miel. Tipšomruttâ puáhtá leđe jo-uv suullân 244 eurod mánuppaajeestâi suullân 163 eurod mánuppaajeest tađe miel, mon ennuv tun koskâmiärálávt poorgah oho ääigi.

Kela máksá njyebžilis tipšomruudâ tuše ohtâ päärnist häävild.

Njyebžilis tipšomruudâst piärruo viäru.

### Uásitipšomruttâ

Tun puávtáh uážžud uásitipšomruudâ, ko poorgah enâmustáá 30 tijmed ohhoost päärni tipšom tiet. Kela máksá uásitipšomruudâ škoovlâst 1. já 2. luokkaast leijee päärnist.

Uásitipšomruttâ lii suullân 98 eurod mánuppaajeest. Tast piärruo viäru.





## Jis pärni puáccáá

Jis tuu pärni puáccáá,  
te tun puávtáh tuálvud suu  
tiervâsvuotâkuávdážân tâi priivaat tuáhtârân.

Kela máksá uási priivaat tuáhtâr máávsuin.  
Toos lasseen Kela sajanmáksá uási talkkâsij haddeest.  
Kela ij sajanmäävsi tipšom tiervâsvuodâkuávdáást.

### Koskâpuddâsâš tipšomriijâ

Jis vuálá 10-ihásâš pärni  
puáccáá kivkked ovdâmerkkân leencun,  
te tun puávtáh pääccid meddâl pargoost tipšod suu.  
Tot kočoduvvoo koskâpuddâsâš tipšomriijân.

Koskâpuddâsâš tipšomriijâ lii 4 peeivi.  
Stuárráámus uási pargoadeleijein máksih päälhi  
koskâpuddâsii tipšomriijâ ääigist.  
Kela ij määvsi torjuid taan ääigist.

### Vaigâdávtt pyeccee já vádulii pärni tipšom

Kela tuárju vaigâdávtt pyeccee tâi vádulii pärni tipšom.

Kela torjuuh já palvâlusah láá

- sierânâstipšomruttâ vanhimân,  
kote tipšo vuálá 16-ihásii pärni
- vuálá 16-ihásii vádulâštoorjâ
- vátávâš tâlhumvajoittem.



# Elettemtoorjâ

Jis vaanhimeh iäránává,  
te päärnih pääcih távjá nube vanhimân.  
Talle tot vaanhim, kiän lunne pärni ij aasâ,  
máksá elettemtorjuu vanhimân, kiän lunne pärni áásá.  
Vanhim, kiän lunne pärni ij aasâ,  
kočoduvvoo elettemkenigâssân.

Motomin elettemkenigâs ij määvsi elettemiše  
tâi elettemkenigâs vaanhim ij lah.  
Talle Kela puáhtá máksiđ elettemtorjuu ton vanhimân,  
kiän lunne pärni áásá.

Kela máksá elettemtorjuu, jis

- elettemkenigâs vaanhim ij lah máksám elettemiše
- elettemiše lii elettemkenigâs ekonomâlii tile tiet ucceeb ko elettemtoorjâ
- pärni adoptist tuše ohtâ vaanhim
- päärnist ij lah visásmittum eeči
- päärnist lii visásmittum eeči,  
mutâ elettemiše ij lah puáhtám visásmittid.

Elettemtoorjâ lii pärni kuáttá  
suulân 167 eurod mánuppaajeest.  
Elettemtorjust ij perruu viäru.

## Tiäduh elettemkenigâsân

Jis Kela máksá elettemtorjuu,  
te tot piärá elettemkenigâsâst  
mävsihánnáá páaccám elettemiışijd.  
Toh kočoduvvojehe elettemiševelgin.  
Jis tun jiehe pyevti tuu ruttâtile tiet máksiđ elettemiševelgi  
Kelân, te tun puávtáh uuccâđ máksimist luovâsmittem Kelast.



# Uuccâm já máksim

Uusâ puoh pärniperrui torjuid viermist:

[www.kela.fi/viermist](http://www.kela.fi/viermist)

Täärhist ucâmušâst, ete moh labdoseh tast kalgeh lede.  
Meiddei labdosijd puáhtá toimâttid viermist.

Tun puávtáh uuccâđ torjuid meid luámáttuvâiguin,  
maid uázžu Kela viermisiiđoin:

[www.kela.fi/luamattuvah](http://www.kela.fi/luamattuvah)

Jis tun uusah torjuu luámáttuvvâin,  
te vuolgât tom poostâ peht Kelan.

Kela postâčujottâs lii

**Kela**

**PL 10**

**00056 KELA**

Puávtáh tipšod masa puoh Kela-âšijdâd meiddei puhelin peht.

Ko Kela lii kiedâvuššâm tuu ucâmuš,  
te tun uázuh pááikán miärádâs.  
Miärádâsâst muštâluvvojeh torjuu meeri,  
vuáđustâsah já máksupeivi.  
Tun uázuh miärádâs meid talle,  
jis tunjin ij lah miedettum toorjâ.

Kela máksá enijruudâ, ejijruudâ  
já vanhijruudâ vaanhim tilin.  
Máksu puáhtá tilin maajeeld,  
táválávt 4 oho kooskâi.

Pärnilase puátá vaanhim tâi eres huolâtteijee tilin  
táválávt máánu 26. peeivi.

Jis paankih láá talle kiddâ  
tâi jis máksimpeivi lii pasepeeivi maņa,  
pärnilase puátá tilin jo ovdil.





## Almoot, jis tuu tile muttoo

Jis tuu eellim muttoo, tot puáhtá vaiguttiđ Kela torjuid. Muttum puáhtá kuoskáđ ovdâmerkkân asâmân, puáđoid, porgâmân tâi perrui.

Mušte almottiđ nubástusâin Kelan. Puávtáh toohâđ tom viermist, puhelimist tâi toimâttuvâst.

Tuu ovdâsvástádâs lii visásmittiđ jieijâđ peeleeest, ete Kelast láá olmâ tiáđuh kevttimnáál. Talle toorjâ máksoo tunjin olmâ stuárusâžžân.

## Jis miärádâsâst lii feilâ

Jis Kela miärádâsâst lii tuu mielâst feilâ, puávtáh uuccâđ miärádâsân nubástus.

Tun uážuh miärádâsreeivâ mielđ ravvuid tast, ete maht nubástusoccoo.

Jis tust láá koččâmušah, te väaldi ohtâvuodâ vistig Kelan.



### Kela ášástállâmpalvâlusâst viermist tun puávtáh

- uuccâđ torjuid
- vuolgâttid lahtosijd
- tärhistid jieijâđ ucâmuš tile
- vuolgâttid viestâid
- almottiđ nubástusâin
- lopâttid torjuu.

# Návt Kela palvâl

## Viermist

Luvvâ Kela torjuu pirrâ anarâškielân:  
[www.kela.fi/anaraskielan](http://www.kela.fi/anaraskielan)

Koijâđ ravvuu:  
[www.kela.fi/kysy-kelasta](http://www.kela.fi/kysy-kelasta)

Rekinist torjuu mere:  
[www.kela.fi/laskurit](http://www.kela.fi/laskurit)

Ášástâl viermist:  
[www.kela.fi/viermist](http://www.kela.fi/viermist)

Viermipalvâlusân kalga čáládâttâđ. Tarbâšah paŋkkitubdâlduvâid tâi moobiilnanodâs.

## Toimâttuvâst

Täärhist palvâlemsoojij ohtâvuotâtiáđuid já ávusorroomaagijd viermist:  
[www.kela.fi/toimattuvast](http://www.kela.fi/toimattuvast)

Tarbâšah-uv tuulhâ?  
Luvvâ lase tulkkum pirrâ:  
[www.kela.fi/tarbasah-uv-tuulha](http://www.kela.fi/tarbasah-uv-tuulha)

Sämikielâliih palvâlusah:  
[www.kela.fi/saame](http://www.kela.fi/saame)

## Puhelimist

Ávus argâpeeivij 9–16.  
Aassâm ..... 020 692 210  
Almugijkoskâsâš ääših (ávus 10–15).....020 634 0200  
Áigâpuátutoorjâ.....020 692 207  
lälâttuvah.....020 692 202  
Maassâdpeerrâm.....020 634 4940  
Oppâm já viärjukenigâsvuotâ.....020 692 209  
Pargottesvuotâ.....020 692 210  
Puáccâm já koortah..... 020 692 204  
**Vaanhimvuotâ.....020 692 206**  
Vajoidittem já vâdulâštorjuuh.....020 692 205

## Väärrid ääigi

Puávtáh väridid äägi suáittimáin puhelinpalvâlusân tâi viermist:  
[www.kela.fi/varaa-aika](http://www.kela.fi/varaa-aika)  
tâi vuolgâtmáin ohtâvuotâväldimpivduu čujottâsân:  
[saame@kela.fi](mailto:saame@kela.fi)

Äigiväridem viermist udâsmuvá. Udâsmittem maŋa koolgah tubdâttâttâđ talle ko halijdah väridid ääigi. Tarbâšah tubdâttâttâm várás viermipaŋkkitubdâlduvâid tâi moobiilnanodâs.

# Kela anarâškielân

## **Anarâškielâliih viermisiiđoh:**

[www.kela.fi/anaraskielan](http://www.kela.fi/anaraskielan)

## **Anarâškielâliih tiedettemčáálluseh:**

Almos aassâmtoorjâ

Áigápuátutoorjâ

läláttuvah já eres torjuuh iäláttâhuázžoi

Oppâm já viärjukenigâsvuotâ

Pargottesvuotâ

Puoccâm já vajoidittem

## **■ Pärniperruuh**

Varrim Suomân tâi Suomâst olgoenâmáid

Anarâškielâlijd tiedettemčáállusijd  
puáhtá printtid viermist:

**[www.kela.fi/saamenkieliset-esitteet](http://www.kela.fi/saamenkieliset-esitteet)**